

EPISTOLA II.

AD HUGONEM S. MILITIAE PRIOREM.

Docet qua ratione bellum spirituale sit agendum.
 Dominis et amicis in Christo charissimis ac reverendissimis, Hugo Sanctae Militiae priori, et omnibus qui reguntur ejus consilio, servi et amici Carthusiae fratres, spiritualium simul et corporalium christianae religionis hostium victoriam plenariam, et pacem per Christum Dominum nostrum.

Quoniam in revertendo, etc. Vide ubi supra col. 598.

EPISTOLA III.

AD INNOCENTIUM PAPAM II.

Consolatur summum pontificem adversus schismatis molestias.

Domino et patri charissimo ac reverendissimo

A apostolice Sedis summo pontifici INNOCENTIO, servi et filii Carthusiae pauperes, illam quam mundus dare non potest pacem; suæque paternitatis devotam servitutem, et non necessarium licet obsequium

Multas ad vestri apostolatus sacras aures preces, etc. Vide in Innocentio II ad an. 1143.

EPISTOLA IV.

AD FRATRES DURBONENSES.

De supposititiis beati Hieronymi epistolis.

Amicis et fratribus in Christo dilectissimis, LAZARO Durbonensi priori, et cæteris in eadem eremo Deo famulantibus, Carthusiae prior vocatus GUIGO, æternam a Domino salutem.

Inter cætera catholicorum virorum, etc. Vide Patrologia tom. CLIII, col. 593.

ADMONITIO

IN LIBROS SEQUENTES DE VITA ET GESTIS S. BERNARDI,

Ubi de illustri genere ejusdem.

1057-1058 I. *Vix quisquam sanctorum est, qui tot rerum suarum gestarum præcenes, tamque eximios et probatos fidei scriptores haberit, quam beatus Bernardus: cuius vitam et præclara facta tres euctores clarissimi, continuato sermone, quasi ex condicio sunt persecuti; nempe Guillelmus olim Sancti-Theoderici prope Remos abbas, sed tunc monachus Signiacensis, Ermaldus Bone-Vallis in agro Carnutensi abbas, et Gaufridus ipsius Bernardi notarius; omnes quasi testes rerum oculati. His accesserunt alii post eos; Alanus episcopus Autiessiodorensis, et ut alios posteriores prætermittam, Joannes Eremita, et multi alii recentiores: quos inter Philotheus, verum an factum nomen, monachus Claræ-Vallensis, Bernardi gesta carmine cecinere.*

H. *Librum primum de Vita sancti Bernardi, vivente ipso Bernardo, sed nesciente, scriptum suis diserto asserti in Præfatione ejus auctor Guillelmus, pridem Sancti-Theoderici abbas, sed tunc jam monachus Signiacensis cœnobii in pago Registenæ diæcessis Remensis, ad quod desiderio solitudinis et quietis sese contulerat, testante Burchardo abbate Balernensi in subscriptione ejusdem libri primi. Tempus Guillelmi successoris Signiacum intelligitur ex chartaceo Sancti-Theoderici libro, in quo Helinus abbas, ejus apud Sanctam-Theodericum successor, anno 1135 primum nominatur. Quo anno inchoatus sit a Guillelmo liber iste, non constat. Certe post translationem monasterii Claræ-Vallensis in capaciore locum, novam ædium fabricationem, ex num. 34 et 62; itemque post schismata Ecclesias sedata, et confutatas haereses, ex num. 40; adeoque post annum 1140, et forte post 1145. Porro ante Bernardum obiit Guillelmus, de quo plura in tomo V, in Admonitione præfixa epistole ad fratres de Monte-Dei, et in Notis fusoribus ad epistolam 85.*

III. *Vitam a Guillelmo inchoatam mortuo Bernardo persecutus est secundo libro Ermaldus seu Arnaldus abbas Bonæ-Vallis, non ejus, quæ in diæcesi Vesontiensis; neque alterius, quæ in Rutinensi Ordinis Cisterciensis; sed illius, quæ est in agro Carnutensi Nigrorum monachorum: ad quem Arnaldum extrema Bernardi epistola 310 scripta est, quidquid alii in contrarium sentiant. Vide notas fusiores ad epistolam 310. Hunc librum adortus est Ermaldus rogatu Claræ-Vallensis, qui præ modestia hanc provinciam in ipsum rejecerunt, ut in Præfatione libri secundi auctor testatur, qui opus imperfectum moriens reliquit.*

IV. *Superioribus duobus libris tres adjecit Gaufridus, non aliis sine dubio quam ipsius Bernardi notarius; distinguendus utique a Gaufrido de Perona, cuius mentio in lib. iv, num. 16; itemque a Godefrido Bernardi consanguineo, et conversionis socio, postmodum priore Claræ-Vallensi, ac demum episcopo Ligonensi, qui tandem ad privatam Claræ-Vallensem vitam sese recepit, ibidemque mortuus est vi Idus Novembris anni 1164. Gaufridus vero in Præfatione trium sequentium librorum lugens scribit, post annos a sua ipsius conversione circiter tredecim, acbera morte ab se avulsum suis Bernardum: atque adeo Gaufridi conversione anno 1140 accidisse dicenda est. Is patria Autiessiodorensis, ante suam conversionem Petri Abæardi discipulus fuit, et quidem clericus, ut patet ex libro Declamationum, cuius et ipse auctor est, num. 13: « Postremo et nos in clero sumus. » Post conversionem Bernardi una cum Nicolao Claræ-Vallensi notarius, ac peregrinationum socius, deinceps Bernardi mortuo Ignaci primum, tum Claræ-Vallis post Fastidium abbas anno 1162, cui loco quadriennio circiter præfuit, ex Chronico Claræ-Vallensi apud Chiffletum: sed postmodum a suis rezatus, abbatiam dimisit anno 1165, et ad Fossam-Novam in Italia se recepit; ubi et abbas postmodum fuit, ac demum Alba-Cumbæ, ut fusius in eodem Chronico legitur. Ibidem quædam ejus opera recensentur, nempe opus insigne super Cantica cantorum, Vita sancti Petri archiepiscopi Tarentasiensis; et plures alii libri et sermones. Exstat apud Baronium ejusdem epistola ad Henricum cardinalem et episcopum Albanensem, atque domini papæ vicarium seu legatum, scripta de quadam nova controversia, quam reversus in Galliam comperit, scilicet de substantia aquæ, quæ rino mista in calice offertur, an et ipsa similiter cum*

eodem vino in sanguinem Domini convertatur. Item ejusdem est libellus contra capitula Gilleberti Porretam Pictaviensis episcopi, quem libellum post libros de Vita Bernardi cum aliis ejus Opusculis referemus. Denique scriptis etiam contra Abælardum, ut mox dicemus, et sermonem edidit de sancto Bernardo inferius edendum cum ejusdem commentariolo in Orationem dominicam. An autem Bernardi Vitam, cuius fragmenta tertio loco proferemus; secundamque partem libri sexti de miraculis Bernardi, præter libros tres jam memoratos, componuerit, nunc dispiciendum.

V. Quinque libris de Vita Bernardi mox dictis subjicimus libros duos de Miraculis ejusdem: unum, a variis auctoribus scriptum; alterum, ex Magno Exordio Cisterciensi collectum, atque ex fragmentis Herberti ex monacho Claræ-Vallensi archiepiscopi Turritani in Sardinia, qui libros tres de Miraculis suorum Cisterciensium composuit, editos apud Chiffletum. Prior liber Miraculorum dividitur in tres partes: quarum prima scripta est a Philippo monacho Claræ-Vallensi ad Samsonem Remorum archiepiscopum; altera, ab aliis Claræ-Vallenibus, quibus Philippus ipse hanc curam injunxit. Ex his unus est Gausfridus, 1059-1060 tertia pars item scriptor in epistola ad Hermannum episcopum Constantiensem, de miraculis scilicet, quæ a Spiræ usque Leodium a Bernardo facta viderat. Huic alio ejusdem argumenti succedit epistola Gausfredi monachi et magistro suo charissimo Archensredo et utrique capitulo fratribus suis uterinis. Hunc porro Gausfridum eumdem esse, qui tres posteriores Vitæ libros scripsit, non dubito. Neque enim assentior Carolo de Visch, qui hos libros Gausfrido notario tribuit; illam vero partem libri de Miraculis Gausfrido Autissiodorensi: quem a Gausfrido notario minime distinguendum esse probat Helinandus monachus in Chronico his verbis: « Hujus Petri, scilicet Abælardi, aliquando fuerat discipulus Gausfredus Autissiodorensis, qui multo tempore fuit notarius sancti Bernardi; qui inter cetera de eodem Petro dixit: Ego mihi aliquando recolo magistrum suisse illum, qui pretium redemptionis nostræ evacuans, nihil aliud in sacrificio Dominicæ passionis commendabat, nisi virtutis exemplum, et amoris incentivum, etc. Benedictus Deus, qui mihi simul et vobis magistrum dedit meliorem, » Bernardum, « per quem prioris redarguit ignorantiam, et insolentiam confutavit: secundum quem tria specialia in passione sua Christus nobis exhibuit, exemplum virtutis, incentivum, amoris, et sacrificium redemptionis. » (Apud Bernardum tom. secundi Opusculo XI, num. 25.) Hæc et alia multa, addit Helinandus, « dictus Gausfredus contra Petrum magistrum suum fortiter et catholice scripsit. » Ad Gausfridum Nicolaus Claræ-Vallensis scripsit epistolam 42, pro episcopo Aletensi. Hæc de Gausfrido aliisque vitæ prioris et miraculorum scriptoribus sufficient: de aliis scriptoribus post ipsa miracula agendum.

VI. Non est prætermittendum hoc loco, Petrum Franciscum Chiffletum, Societatis Jesu presbyterum eruditum, anno 1660 Divione vulgasse Diatribam de illustri genere sancti Bernardi, ut ostenderet Romani Breviarii clausulam, qua sanctus Bernardus honesto loco natus dicitur, esse infra ejus dignitatem: cum illum utroque parente fuisse perquam nobilem. Diatribæ appendicem cum probationibus variisque monumentis adjecit. Hæc in pauca contrahere juvat.

VII. Tecelinus, Bernardi pater, « vir antiquæ et legitimæ militiae, » id est, probata nobilitatis, quam equestrem vocamus, fuisse perhibetur a Guillelmo abbate, cap. 1. Huic agnomen erat Soras, id est Subrus, a colore scilicet capilliti, in diplomate Hugonis, secundi Burgundie ducis pro Cabillonensi Sancti-Marcelli monasterio: cui diplomatico primo loco post Rainierum Ducis dapiferum subscribit Tecelinus ante Bernardum de Monte-Forti, Warnerium de Sumbernone, alioisque nobilissimos viros. « Guido de Acro-Monte, » testante Alberico Trium-Fontium monacho, « fuit ex parte matris frater Tesselini Sori de Fontanis, qui fuit pater Bernardi Claræ-Vallensis abbatis; fuitque ex alia parte frater Ulrici, sub quo fundata est abbatia Morimundi. » Guidonis nobilitas probatur ex ejus conjunctione cum Hezelina domina de Malleio, « Holdoini filia, qui Holdoinus et Gausfridum Jonæ-Villa dominum habuit fratrem. » Hæc de linea paterna.

VIII. Ad maternam quod attinet, Bernardi mater Aleth seu Alaya, quam tertia Vitæ scriptor unus Elizabet, forte librarii errore, appellat, fuit et filia Bernardi Montis-Barri domini, viri potenter et magni secundum sæculi dignitatem, et ex antiqua, sicut asserunt multi, Burgundie ducum generositate trahens originem, et ut ex Joanne Eremita, quartæ Vita scriptore, discimus. In Necrologio Divisionensis monasterii Sancti-Benigni, ubi primum sepulta fuit, simpliciter laica dicuntur, efferturque hoc modo ejus memoria, « Kalendis Septembribus obiit Alaya laica: quo nomine distingui solent in illo Necrologio etiam illustres persona a sanctimonialibus. In hunc diem incidit sestum sancti Ambrosii seu Ambrosianiani confessoris, teste Joanne Eremita, apud Fontanas celebrari solitum: quem nonnulli cum sancto Ambroso Mediolanensi antistitiæ perperam hic confundunt. Rainardus Montis-Barri dominus, Bernardi avunculus, et Alaysæ germanus fuit. Tam illustrè cum fuerit ex utroque parente Bernardi genus, non mirum si Guido ejus primogenitus frater et vir magnus et a Guillelmo appellatur in cap. 3; uxor ejus, et nobilis juvenula: soror vero ejus Humbelina, et adolescentula nobilis, quæ et cum comitatu superbo et apparatu incedebat, ex cap. 6. Hæc ex Chiffletio. Quibus adde Galdricum, Bernardi avunculum, et Guillelmo vocari, num. 10, et potentem in sæculo, et in sæcularis militia gloria nominatum, dominum castri in territorio Eduensi, quod Tuillium dicitur. Et Joseritus de Firmilate, quæ super Albam sita est, vir nobilis, et secundum carnem et Bernardi et propinquus erat, ex eodem Guillelmo num. 43. Denique Rainerius miles erat frater Godefridi, ex Priore Claræ-Vallensi episcopi Lingonensis, qui Bernardum consanguinitate attinebat. Porro Chiffletius probat sancti Bernardi paternum genus, quod a Fontanis appellationem habet, per Bartholomæum Sumbernionensem (quæ familia in veterum Burgundie ducum regium sanguinem, enubentis filiaæ heredis affinitate transusa est) ad nostra usque tempora propagatum fuisse. Cartera quæ de illustri Bernardi genere apud eumdem Chiffletium vel minus certa, vel minus necessaria videntur, consulto præterimus: hoc tantum addito, monasterii Claræ-Vallensis stemma, quod in escuto nigro balthicum auri sive argenti, minii ducti gemino tessellatum praesert, non esse derivatum, et quidam volunt, a sancti Bernardi insigni gentilitio, sed a Campania ducum familia, ex quibus Hugo Claram-Vallæ fundavit; senas vero fascias ex auro et cyano dextrorsus obliquatas in margine purpureo, quod Cisterciensis Ordinis symbolum est, petitum a Burgundie ducum familia, quorum maxime beneficiis et auctoritate Ordo Cisterciensis fundatus est. In fine hic monimus ea quæ ansuis in consequentibus offendit ab Horstio ex codice Campensi, vel a nobis addita fuisse.